

ЎЗБЕКИСТОН РЕСПУБЛИКАСИ  
ОЛИЙ ВА ЎРТА МАХСУС ТАЪЛИМ ВАЗИРЛИГИ

ОЛИЙ ТАЪЛИМ ТИЗИМИ ПЕДАГОГ ВА РАҲБАР КАДРЛАРИНИ  
ҶАЙТА ТАЙЁРЛАШ ВА УЛАРНИНГ МАЛАКАСИНИ ОШИРИШНИ  
ТАШКИЛ ЭТИШ БОШ ИЛМИЙ - МЕТОДИК МАРКАЗИ

ТОШКЕНТ ТҮҚИМАЧИЛИК ВА ЕНГИЛ САНОАТ ИНСТИТУТИ  
ХУЗУРИДАГИ ПЕДАГОГ КАДРЛАРНИ ҶАЙТА ТАЙЁРЛАШ ВА УЛАРНИНГ  
МАЛАКАСИНИ ОШИРИШ ТАРМОҚ МАРКАЗИ

**“ЧАРМ ВА МЎЙНА ИШЛАБ ЧИҚАРИШДА  
ИННОВАЦИОН ТЕХНОЛОГИЯЛАР”  
модули бўйича  
ЎҚУВ-УСЛУБИЙ МАЖМУА**

Тошкент – 2018

**Мазкур ўқув-услубий мажмуа Олий ва ўрта махсус таълим вазирлигининг 2018 йил 27 мартағи 274-сонли буйруғи билан тасдиқланган ўқув режа ва дастур асосида тайёрланди.**

Тузувчилар:      ТТЕСИ доц. А.Тошев  
                          ТТЕСИ проф. Т.Қодиров

Такризчи:      ТТЕСИ профессори А.Салимов

*Ўқув -услубий мажмуа ТТЕСИ Кенгашининг 2018 йил 31январдаги 6-сонли қарори билан нашрга тавсия қилинган.*

## **Мундарижа**

I. ИШЧИ ДАСТУР.....	4
II. МОДУЛНИ ЎҚИТИШДА ФОЙДАЛАНИЛАДИГАН ИНТЕРФАОЛ ТАЪЛИМ МЕТОДЛАРИ .....	8
НАЗАРИЙ МАШҒУЛОТЛАР .....	14
АМАЛИЙ МАШҒУЛОТ .....	31
МУСТАҚИЛ ТАЪЛИМ МАВЗУЛАРИ.....	45
ГЛОССАРИЙ.....	46
АДАБИЁТЛАР .....	47

## I. ИШЧИ ДАСТУР

### КИРИШ

Дастур Ўзбекистон Республикаси Президентининг 2015 йил 12 июндаги “Олий таълим муассасаларининг раҳбар ва педагог кадрларини қайта тайёрлаш ва малакасини ошириш тизимини янада такомиллаштириш чора-тадбирлари тўғрисида”ги ПФ-4732-сонли, 2017 йил 7 февралдаги “Ўзбекистон Республикасини янада ривожлантириш бўйича Ҳаракатлар стратегияси тўғрисида”ги ПФ-4947-сонли Фармонлари, шунингдек 2017 йил 20 апрелдаги “Олий таълим тизимини янада ривожлантириш чора-тадбирлари тўғрисида”ги ПҚ-2909-сонли қарорида белгиланган устивор вазифалар мазмунидан келиб чиқсан ҳолда тузилган бўлиб, у замонавий талаблар асосида қайта тайёрлаш ва малака ошириш жараёнларининг мазмунини такомиллаштириш ҳамда олий таълим муассасалари педагог кадрларининг касбий компетентлигини мунтазам ошириб боришни мақсад қиласди.

Ушбу дастурда тўқимачилик, енгил саноат ва дизайн йўналишидаги техника ва технологияларининг ҳозирги ҳолати ва ривожланиш йўналишлари ҳамда уларнинг таҳлили. Тўқимачилик ва енгил саноатдаги хорижий техника ва технологиялар, улардан фойдаланишдаги муаммолар. Тўқимачилик ва енгил саноат ва дизайн йўналишида юқори сифатли кенг ассортиментдаги маҳсулотлар ишлаб чиқариш ҳамда замонавий либослар яратиш. Соҳа бўйича замонавий кам операцияли техника ва технологиялар. Тўқимачилик матоларини кимёвий пардозлаш жараёнларида замонавий техника ва технологияларни кўллаш. Ишлаб чиқарилган замонавий дизайнда либосларни жаҳон бозорида рақобатбардошлигини таъминлашда соҳа йўналишидаги техника ва технологияларига инновацияларни жорий этиш йўллари баён этилган.

### Модулнинг мақсади ва вазифалари

**Чарм ва мўйна ишлаб чиқаришда инновацион технологиялар модулининг мақсад ва вазифалари:**

**Модулнинг мақсади:** Чарм ва мўйна ишлаб чиқаришда инновацион технологиялари уларни ишлаш усусларини ўрганиш

**Модулнинг вазифаси:** Чарм ва мўйна ишлаб чиқаришда инновацион техника ва технологияларининг ҳозирги ҳолати ва ривожланиш йўналишлари ҳамда уларнинг таҳлили, тўқимачилик ва енгил саноатдаги хорижий техника ва технологиялар, улардан фойдаланишдаги муаммолар, тўқимачилик ва енгил саноат ва дизайн йўналишида юқори сифатли кенг ассортиментдаги маҳсулотлар ишлаб чиқариш ҳамда замонавий либослар яратиш, соҳа бўйича замонавий кам операцияли техника ва технологиялар, тўқимачилик матоларини кимёвий пардозлаш жараёнларида замонавий техника ва

технологияларни кўллаш, ишлаб чиқарилган замонавий дизайнда либосларни жаҳон бозорида рақобатбардошлигини таъминлашда соҳа йўналишидаги техника ва технологияларига инновацияларни жорий этиш.

### **Модул бўйича тингловчиларнинг билим, кўникма ва малакалари га қўйиладиган талаблар:**

“Чарм ва мўйна ишлаб чиқаришда инновацион технологиялар” курсини ўзлаштириш жараёнида амалга ошириладиган масалалар доирасида:

#### **Тингловчи:**

- ишлаб чиқариш жараёнидаги техника ва технологияларининг ҳозирги ҳолатини;
- тўқимачилик ва енгил саноат соҳасида яратилаётган инновацион техника ва технологияларни;
- тўқимачилик, енгил ва тикув буюмларини ишлаб чиқариш ҳамда тўқимачилик матоларини кимёвий пардозлаш жараёнидаги техника ва технологияларнинг афзаллик ва камчиликлари бўйича **билимларга эга бўлиши**;

#### **Тингловчи:**

- тўқимачилик, енгил ва тикув буюмларини ишлаб чиқариш ҳамда тўқимачилик матоларини кимёвий пардозлашда инновацион технологиялардан фойдаланиш;
- корхоналардаги замонавий техника ва технологияларнинг фарқлари, афзаллик ва камчиликларини таҳлил қилиш;
- замонавий ишлаб чиқариш технологиясида қўлланиладиган жиҳозлардан фойдалана олиш **кўникма ва малакаларини эгаллаши**;

#### **Тингловчи:**

- тўқимачилик, енгил ва тикув буюмларини ишлаб чиқариш ҳамда тўқимачилик матоларини кимёвий пардозлаш жараёнидаги инновацион технологияларни амалиётда қўллаш;
- соҳадаги замонавий техника ва технологияларни юқори сифатли маҳсулотлар ишлаб чиқариш жараёнига жорий қилиш **компетенцияларни эгаллаши лозим**.

### **Модулни ташкил этиш ва ўтказиш бўйича тавсиялар**

“Чарм ва мўйна ишлаб чиқаришда инновацион технологиялар” курси маъруза ва амалий машғулотлар шаклида олиб борилади.

Курсни ўқитиши жараёнида таълимнинг замонавий методлари, педагогик технологиялар ва ахборот-коммуникация технологиялари қўлланилиши назарда тутилган:

- маъруза дарсларида замонавий компьютер технологиялари ёрдамида презентацион ва электрон-дидактик технологиялардан;

ўтказиладиган амалий машғулотларда техник воситалардан, экспресс-

сўровлар, тест сўровлари, ақлий ҳужум, гурухли фикрлаш, кичик гурухлар билан ишлаш, коллоквиум ўтказиш, ва бошқа интерактив таълим усулларини қўллаш назарда тутилади

### **Модулининг ўқув режадаги бошқа фанлар билан боғлиқлиги ва узвийлиги**

“Чарм ва мўйна ишлаб чиқаришда инновацион технологиялар” модули мазмуни ўқув режадаги “Тўқимачилик, енгил саноат ва тикув буюмлари технологиясини ривожлантириш истиқболлари” ва “Тўқимачилик, енгил саноат ва дизайнда инновацион технологиялар” ўқув модуллари билан узвий боғланган ҳолда педагогларнинг тўқимачилик ва енгил саноат соҳалари бўйича касбий педагогик тайёргарлик даражасини оширишга хизмат қиласди.

### **Модулнинг олий таълимдаги ўрни**

Модулни ўзлаштириш орқали тингловчилар тўқимачилик ва енгил саноатда замонавий жиҳозлар ва инновацион технологиялардан фойдаланиш, амалда қўллаш ва баҳолашга доир касбий компетентликка эга бўладилар.

### **Модул бўйича соатлар тақсимоти**

№	Модул мавзулари	Тингловчининг ўқув юкламаси, соат						
		Хаммаси	Аудитория ўқув юкламаси				Мустакил таълим	
			Жами	Назарий	Амалий машгулот	Кўчма машгулот		
1.	Чарм ва мўйна маҳсулотлари ишлаб чиқаришдаги замонавий техника ва технологиялар ва инновацион жиҳозлар	6	4	4				2
2.	Чарм ва мўйна маҳсулотлари ишлаб чиқаришдаги замонавий техника ва технологиялар, чарм-мўйнани физик-механик ва кимиёвий хоссалари	6	6		6			
3.	Ўзбекчармпойабзал уюшмаси таркибидаги корхоналар технологик жараёнини ўрганиш	6	6			6		
	<b>Жами:</b>	<b>18</b>	<b>16</b>	<b>4</b>	<b>6</b>	<b>6</b>		<b>2</b>

### **НАЗАРИЙ МАШҒУЛОЛЛАР МАЗМУНИ**

**1-мавзу: Чарм ва мўйна маҳсулотлари ишлаб чиқаришдаги замонавий техника ва технологиялар ва инновацион жиҳозлар.**

Чарм ва мўйнани пардозлашнинг физико-кимёвий жараёнлари ва механик операциялар. Сиқувчи ва ёйувчи машиналар. Ярим маҳсулотни тортиб- юмшатувчи машиналари. Қуритиш машиналари. Чармларга босим остида ишлов бериш учун машиналар. Тайёр маҳсулотларнинг майдони ва калинлиги бўйича ўлчаш учун машиналари. Чарм майдонини ўлчовчи Ива- Видео машинаси.

ликлари.

### **АМАЛИЙ МАШҒУЛОТ МАЗМУНИ**

**1-амалий машғулот. Чарм ва мўйна маҳсулотлари ишлаб чиқаришдаги замонавий техника ва технологиялар, чарм-мўйнани физик-механик ва кимиёвий хоссалари.**

Чармнинг чўзилувчанлигини аниқлаш. Намлик сифимини аниқлаш. Минерал моддалар миқдорини аниқлаш. Зичлик ва ғовакликни аниқлаш. Намлик сифимини аниқлаш. Чармнинг гигиеник хоссаларини белгиловчи зичлик ва ғоваклик қўрсатгичларини аниқлаш. Чарм ва мўйнага ишлов берувчи машиналарнинг тузилиши, ишлаши ва техник тавсифлари билан танишиш.

### **Кўчма машғулот мазмуни**

“Чарм ва мўйна ишлаб чиқаришда инновацион технологиялар” модулида кўчма машғулотлар замонавий жихозлар билан жихозланган соҳанинг етакчи корхоналари ва лабораторияларида олиб борилади.

### **Ўқитиш шакллари**

Мазкур модул бўйича қуйидаги ўқитиш шаклларидан фойдаланилади:

- маъruzалар, амалий машғулотлар (маълумотлар ва технологияларни англаб олиш, ақлий қизиқишини ривожлантириш, назарий билимларни мустаҳкамлаш);
- давра суҳбатлари (кўрилаётган лойиҳа ечимлари бўйича таклиф бериш қобилиятини ошириш, эшитиш, идрок қилиш ва мантиқий хulosалар чиқариш);
- баҳс ва мунозаралар (loyihalар ечими бўйича далиллар ва асосли аргументларни тақдим қилиш, эшитиш ва муаммолар ечимини топиш

қобилиягини ривожлантириш).

### Баҳолаш мезони

№	Баҳолаш турлари	Максимал балл	Изоҳ
1	Кейс топшириқ		1.5 балл
3	Мустақил иш топшириклари	2.5	1.0 балл

## II. МОДУЛНИ ЎҚИТИШДА ФОЙДАЛАНИЛАДИГАН ИНТЕРФАОЛ ТАЪЛИМ МЕТОДЛАРИ.



-ўқитувчи ҳар бир тингловчи (ёки ўқувчи)га **ФСМУ** технологиясининг тўрт боскичи ёзилган қофоз ва рақларини таркатади ва якка тартибда уларни тўлдиришни илтимос килади.

- ўқитувчи баҳс мавзусини белгилаб олади;
- якка тартибда иш тугагач, тингловчилар кикчик гуруҳларга бўлиниб, ўқитувчи кичик гуруҳларга **ФСМУ** технологиясининг тўрт боскичи ёзилган ватманларни тарқатади;
- кичик гуруҳларга ҳар бирлари ёзган қофозлардаги фикр ва далилларни катта форматда умумлаштирган ҳолда тўрт босқич бўйича ёзишлари таклиф қилинади;
- ўқитувчи кичик гуруҳларнинг ёзган фикрларини жамоа ўртасида хикоя қишишларини сўрайди;
- машғулот ўқитувчи томонидан билдирилган фикрларни умумлаштириш билан якунланади.(15 дақиқа ажратилади).

### ФСМУ технологияси 1-саволга жавоб намунаси

**Ф- фикрингизни баён этинг:** Бу системада асосан ўрта толали чиплар олинади.

**С- сабабини изоҳланг:** Пневмомеханик йигириш усули карда системасида ишлатилганда технологик жараёнларнинг 4 боскичи қисқартирилиб пилтадан бевосита ип олинади.

**М- кўрсатган сабабингизни асословчи мисол келтиринг:** Улардан сурп, сатин, чит каби бежирим газламалар ва трикотаж буюмлари тайёрланади.

**У – фикрларингизни умумлаштиринг:** карда системасида чизиқий зичлиги  $15,4 \div 40$  текс ( $N = 25 \div 65$ ) бўлган иплар олинади.

**Муаммоли саволлар:**

1. Карда системаси қандай йигириш системаси?
2. Қайта тараш системаси қандай йигириш системаси?
3. Аппарат системаси қандай йигириш системаси?

**"ЁЗМА ЮМАЛОҚ СТОЛ" МЕТОДИ**

1. Биргаликда ўрганиш усулига асосланади.
2. Қоғоз ва ҳар хил рангдаги қаламлар керак бўлади.
3. Гуруҳ аъзолари атрофида қоғоз ва қалам сурилиб борилади.
4. Иштирокчилардан биттаси ўртага ташланган масалага оид фикрини ёзади.
5. Гуруҳдошига узатади.
6. У ҳам ўз фикрини бошқа рангдаги қаламда ёзиб кейинги иштирокчига беради;
7. Ранглар турли булиши ҳар бир иштирокчининг шахсий фикрини, масала юзасидан иштирокини аниқлаш учун керак бўлади.
8. Фикрлар жамланиб, муҳокама қилиниб муаммонинг ечими топилади.


**"ЁЗМА ЮМАЛОҚ СТОЛ" УСУЛИНИ ҚЎЛЛАШ УЧУН  
ГУРУХЛАРГА ТОПШИРИКЛАР**

**1-гурух учун топшириқ**

1. Тукув дастгоҳида ўрнатилган қўшалок «ТАРО» тизими арқоқ билан боғлиқ нуқсонларни бартараф этишда қандай амаллар бажаради?
2. Италиянинг «Сомет» тукув дастгоҳида ўрнатилган «Сомет» компьютер тизимида қандай технологик кўрсаткич автоматик бошқарилади?
3. «Сомет» тукув дастгоҳида ўрнатилган «Сокос» тизими ёрдамида қайси амаллар автоматик бошқарилади?

**2-гурух учун топшириқ**

1. «Сокос» тизимида қандай амаллар автоматик тарзда бажарилади?
2. Электрон жаккард машинасида нақш имкониятини кенгайтириш «Ромио системс» мажмуасининг вазифалари нималардан иборат?
3. Ромио системс» мажмуаси таркиби нималардан ташкил топган?



## “Нима учун?” методи

“Нима учун?” деб аталган усул бу бутун муроҳазалар занжиридир, уларнинг мақсади эса муаммонинг бошлангич сабабини очишdir. Демак сиз очиқ-ойдин кўриниб турган муаммони таърифлашдан бошлайсиз. Кейин “Нима учун?” саволи билан стрелкани чизасиз ва ундан кейин саволга миянгизга келган жавобни ёзасиз. Ушбу жараён сиз муаммонинг яширин сабабига етиб бормаганлизгача давом этади

### **Фойдаланиши бўйича тавсиялар.**

1. Ҳар бир боғланишни излаш (жавобни «чунки») миянинг ўнг ярим палласининг ишини кўзда тутади, яъни биринчи миянгизга келган жавобларни ёзиб бориш керак.
2. Сиз қайси пиктограммалардан фойдаланишни: доирами ёки тўғрибурчакми ўзингиз танлашингиз керак. Ҳамма нарса қайси шакл ижод ва илҳом билан ассоциация орқали фикран боғланишига боғлиқдир.
3. Ижодий фикрлашни қучайтириш мақсадида сиз чизиқ шаклида бўлмаган схемадан фойдаланишингиз мумкин ( юқоридаги мисол чизиқ шаклидаги схемани кўрсатади. Масалан, шунга ўхшаш схемани бурама чизиқ кўринишида кўрсатишингиз мумкин ( дастлабки ўринни варақнинг ўртасига жойлаштириш ёки тескарисига варақнинг четларига) ёки муроҳазалар занжирини ўнгдан чапга қараб жойлаштириш мумкин..
4. Стрелка фикрлашнинг йўналишини билдиради. Қайси ўриндан ( вазиятдан) бошлишимизни ва натижга сифатида нимага эришишимизни билиш жуда муҳим.

## МУАММОЛИ САВОЛ

Тикув машиналари ишида нима учун нуқсонлар келиб чиқиши холатлари кузатилади?

Нима учун?

Ечимиини ёритинг

Нима учун?

Ечимиини ёритинг

Нима учун?

Нима учун?

Ечимиини ёритинг

Ечимиини ёритинг

### Кластер

Кластер (тутам, боғлам) – ахборот харитасини тузиш йўли, барча тузилманинг моҳиятини марказлаштириш ва аниқлаш учун қандайдир бирор асосий омил атрофида фояларни йиғиши.

Билимларни фаоллаштиришини тезлаштиради, фикрлаш жараёнига мавзу бўйича янги, ўзаро боғланишли тасаввурларни эркин ва очиқ жалб этишга ёрдам беради.

Кластерни тузиш қўйласи билан танишадилар. Доска ёки ватман қофоз варагининг ўртасига асосий сўз ёки 1-2 сўздан иборат бўлган мавзу номи ёзилади.

Бирикма бўйича асосий сўз билан унинг ёнида мавзу билан боғлик сўз ва таклифлар кичик доирачалар “йўлдошлар” ёзил кўшилади. Уларни “асосий” сўз билан чизиклар ёрдамида бирлаштирилади. Бу “йўлдошларда” кичик йўлдошлар бўлиши мумкин. Ёзув ажратилган вақт давомида ёки фоялар тугагунича давом этиши мумкин.

Мухокама учун кластер билан алмашадилар.

**Пинборл төхНИКаси**

Пинборд (инглизча: пин – маҳкамламоқ, боард - доска) – таълим техникаси бўлиб, унинг мазмуни баҳс-мунозара ёки муҳокама методларининг амалий методлар билан боғлиқлик жиҳатида кўринади.

## Пинборда ТехНИКАСИНИ аМалГа оШИРИШ бОСҚИЧЛАРИ

### 1. Тайёрлов босқичи.

Муаммоли саволни ўртага ташлаш ва тезкор саволлар билан йўналиш бериш.

### 2. Муаммоли саволни таҳлил қилиш.

Саволга оид тузилмани ва таянч тушунчаларни баён қилиш.

### 3. Хуносаларни баён қилиш.

Ўқувчи ўз жавобларини маҳсус карточка ёки қоғозга ёзиб доскага маҳкамлайди.

### 4. Умумлаштириш.

Гурух сардорлари гурух аъзолари билан маслаҳатлашган ҳолда, ахборотни тизимлаштириш, гурухлаштириш билан шуғулланадилар. Чизиклар, стрелкалар ёрдамида ғояларнинг алоқадорлик жиҳатларини кўрсатадилар.

1. Моки баҳя қатори ҳосил қилишда моки қайси турдаги ҳаракатларни қилиши мумкин.
2. Нима учун ҳозирда саноатда асосан тебранувчи ва айланувчи мокили тикув машиналар қўлланилиб келинмоқда?
3. Нима учун тебранувчи мокили тикув машиналарни тезлиги  $3500 \text{ мин}^{-1}$  гача чегараланган?

«Т - схема» техникаси

- бу технология мураккаб, кўп тармоқли, мумкин қадар муаммо характеристидаги мавзуларни ўрганишга қаратилган; бунда уларнинг ҳар бири алоҳида нуқталардан мухокама этилади. Масалан: ижобий ва салбий томонлари, афзаллик ва камчиликлари, бир ғоянинг икки томони, фойдали ва зарарли жиҳатлари; танқидий; таҳлилий, аниқ мантиқий фикрлаш муваффақияти ривожлантиришига ҳамда ўз ғоялари, фикрларини ёзма ва оғзаки шаклда ихчам баён этиш, ҳимоя қилишга имкон яратади;


Т-схема қонун-қоидалари билан танишиб чиқади. Якка таркибда ёки жуфт-жуфт: бўлиб Т-схемани тўлдиради

Ўз ғояларини ёзма равишда ўнг ва чап тарафларида ёзиб чиқадилар. Ғоялар қарама-қарши бўлиши мумкин.

Схемадаги ғоялар таққосланиши ва якка тартибда жуфт-жуфт ҳолда ёки тўлдирилиши мумкин.

Ҳар бир тингловчи ўз фикрини эркин ҳолда тўлиқ баён этиши мумкин.

## Моки баҳяли кашта тикиш автоматларинининг фазалликлари ва камчиликларини Т-схема жадвали асосида тўлдиринг



Афзалликлар	Камчиликлари

## НАЗАРИЙ МАШГУЛОТЛАР

### 1-Мавзу: ЧАРМ ВА МҮЙНА МАҲСУЛОТЛАРИ ИШЛАБ ЧИҚАРИШДАГИ ЗАМОНАВИЙ ТЕХНИКА ВА ТЕХНОЛОГИЯЛАР ВА ИННОВАЦИОН ЖИҲОЗЛАР

Режа:

- 1.1.Чарм ва мўйнани пардозлашнинг физик-кимёвий жараёнлари ва механик операциялар.
- 1.2.Сиқувчи ва ёйувчи машиналар.
- 1.3.Қуритиш машиналари.
- 1.4.Чармларга босим остида ишлов бериш учун машиналар.
- 1.5.Тайёр маҳсулотларнинг майдони ва қалинлиги бўйича ўлчаш учун машиналари.

**Таянч иборалар:** *пардозлаш, сиқиши системаси, ошловчи моддалар, сунъий мерея (расм) солиши, чарм майдони, прокладка, мўйнани пардозлаш*

#### **1.1.Чарм ва мўйнани пардозлашнинг физико-кимёвий жараёнлари ва механик операциялар**

Чарм ва мўйнани пардозлаш деганда физико-кимёвий жараёнлар ва механик операциялар мажмуасини тушунамиз. Буларнинг мақсади тайёр чарм ва мўйна маҳсулотларига керакли физико-кимёвий хоссалар бериб, уларга мақсадига қараб эстетик дид бериш, ташқи кўринишини яхшилаш, ҳамда уларнинг майдонини оширишдан иборат. Пардозлаш жараёнлари чарм ва мўйна ассортиментларини кенгайтириш ва янгилашда муҳим босқични ўтайди.

Чарм ва мўйнани пардозлаш ошлаш жараёнларидан кейин ўтказилади ва унга қуидаги физико-кимёвий жараёнлар: тўлдириш, бўяш, мойлаш, қуритиш, хўллаш, қоплаб бўяш ва механик операциялар: сиқиш, ёйиш, чўзиш, чигирлаш, силлиқлаш (жилвирлаш), пресслаш (ёки нақш босиш), тайёр маҳсулотларни четларини қирқиш ва майдонини ўлчаш киради. Бу иккита ишлов бериш жараёнлари ва операциялари чарм ва мўйна ишлаб

чиқариш турларига қараб ҳар хил кетма-кетлиқда олиб борилади<sup>1</sup>.

## **1.2. Сиқувчи ва ёйувчи машиналар**

Суюқлик жараёнларини ўтган чармлар таркибида намлик жуда кўп бўлади ва қатланган жойлари бундан ташқари уларнинг юза қисмида бурмалар кўпайиб кетади.

Чарм таркибидаги ортиқча намлик унга ёғ моддалари ва тўлдирувчи моддаларини сингишга йўл қўймайди, ошлаш жараёнини секинлаштиради.

Шунинг учун ишлов берилган чарм таркибидаги ортиқча намликни чиқариш учун сиқувчи машиналар ва пресслар мавжуд. Чарм бурмаларини ёйиш учун ёювчи машиналар ишлатилиади.

Плитали прессларда сиқилган чармлар таркибидаги намлик 45-48% гача бўлади, валли сиқувчи машиналардан ўтган чармлар таркибида 55-58% намлик бўлади. Валли сиқувчи машиналарда иситиш қурилмаларни ишлатилиши ёйиш ва сиқиш сифатини 3-5% га яхшилайди.

Италиянинг “STENPRESS MVC-4 Versus” маркали гидравлик ўтувчи сиқувчи ёювчи машина 4 та ишчи режимга эга:

1. қорин қисми қорин қисмига;
2. қалин қисми бўйи қисмига;
3. қавариқли чармлар учун қори қисми қорин қисмига;
4. яrimчарм.

Машина қуйидаги техник янгиликлара эга.

Янги дизайнли ўлчамлари катта бўлган цилиндрли пичоклар гурухи билан характерланади. Янада кучли двигателлар цилиндрли пичоқларда ўрнатилган. Двигателларда, цилиндрларнинг айланиш частотасини назорат қилиш учун вариаторлар ўрнатилган<sup>2</sup>.

**1-жадвал**

**“STENPRESS MVC-4 Versus” гидравлик ўтувчи сиқувчи ёювчи**


---

<sup>1</sup> Mr Stefan Rydin, Mr Michael Black, Ms Bianca Maria Scalet, and Mr Michele Canova. Tanning of Hides and Skins. Spain, 2013

<sup>2</sup> [www.escomar.com](http://www.escomar.com)

## машинасининг техник тавсифи

<b>Техник кўрсаткичлари</b>		<b>Маркалари</b>		
Ишчи тезлик, м/мин	7-15	7-23	7-23	7-23
Двигательнинг куввати, кВт/ч	44	36/39	36/39	36/39
Гидравлик пресснинг босими, бар	60	50-200	50-200	50-200
Кигиз устидаги максимал босим, кг	50,000	1- пар 80,000		
Кигиз устидаги максимал босим, N		1- пар 800,000		
Гидравлик контурдаги мой микдори, кг	200	200	200	200
Ҳаво узатиш, бар	6	6	6	6
Ҳавонинг номинал микдори, л/с	0,1 стандарт/200 (ювиш вактида)	200	200	200
Сув узатиш, бар	2	2	2	2
Сув сарфи, м <sup>3</sup> /ч	0,2	0,2	0,2	0,2
<b>Ўлчамлар</b>				
Иш жойининг кенглиги, мм	1800	2000	2200	2400
бўйи А, мм	4250	4250	4250	4250
баландлиги В, мм	2250	2250	2250	2250
кенглиги С, мм	3650	3850	4050	4250
Умумий вазни, кг	11150	11650	12150	12650



**1-расм “STENPRESS MVC-4 Versus” гидравлик ўтувчи сиқувчи ёювчи машинасининг ташқи кўриниши**

Бундан ташқари Италияning яна бир “STENPRESS MVC-4 Versus” маркали сиқувчи машина Вет-блю чармлар учун янги сиқувчи системалар

яъни 7 та сиқувчи цилиндрлар ва 6 сиқиши нүктаси мавжуд. Ушбу машина парчалаш фазасини осонлаштиради. Чармдаги бурмаларни бир меъёрда текислайди ва барча тур чармлар учун мукаммал. Бу машина чарм саноатидаги янги йўналишларни ҳисобга олган ҳолда ишлаб чиқилган<sup>3</sup>.

## **2-жадвал**

### **Stenpress Bluextreme сиқувчи машина техническ тавсифи**

<b>Техник кўрсаткичлари</b>	<b>Марка</b>
Иш тезлиги, м/мин	7-30
Двигатель куввати, кВт/ч	95
Гидравлик пресснинг босими, бар	50-220
Гидравлик кинтурдаги мой микдори, кг	400
Ҳаво таъминлагич, бар	6
Ҳавонинг номинал сарфи, лит/ч	200
Сув узатилиши, бар	2
Сув сарфи, м <sup>3</sup> /ч	0,2
Иш жойининг максимал кенглиги, мм	3200
бўйи, мм	4258
баландлиги, мм	2474
кенглиги, мм	5300
Умумий вазни, кг	29250

<sup>3</sup> Mr Stefan Rydin, Mr Michael Black, Ms Bianca Maria Scalet, and Mr Michele Canova. Tanning of Hides and Skins. Spain, 2013



## **2-расм. Stenpress Bluextreme сиқувчи машина ташқи кўриниши**

Қуритиш эфекти мустақил назорат қилинадиган 3 та ҳар хил босимли ва 6 та сиқиши нуктали уч қаватли каландр ҳолатида жойлашган тўлиқ гидравлик 7 та қуритиш цилиндрини қўллаш ёрдамида амалга оширилади.

Икки қаватли каландрдаги сиқиши системаси 5 та қисиши нуқтасини таъминлайди.

**Фойдаланиш қулайлиги:** кигиз, цилиндрларнинг ҳаракати ва чарм қалинлигининг маҳсус панелда қуриши ва иш тезлигининг марказли автоматлаштирилган бўлганлиги сабабли малакасиз ишчи хам ишлиши мумкин.

### **1.3. Ярим маҳсулотни тортиб- юмшатувчи машиналари**

Италианинг “NEW FUTURA” серияли тортиб- юмшатувчи PALISSONATRICI машинаси Дино Баджо - компания асосчисининг тажрибаси ва сезгирилиги туфайли дунёда биринчи марта ишчи силжиш узунлиги 3000 мм бўлган тортиб – юмшатувчи машина тузилди. Бурчакнинг силлиқ ўзгаришини, тортиб – юмшатувчи пичокларнинг юқори частотасини ва янги антисептик системаларни ўз ичига олган оригинал ва патентланган ғоялардан фойдаланиб, машиналарнинг янги сериялари яратилди. Машина мавжуд шароитга осон мослашади ва юқори унумдорликка эга. Машинлар,

аниқ буюртмачи талабига биноан. 2, 3 ёки 4 та юмшатувчи бошчали ва бир ёки икки болғачали қилиб тайёрланади<sup>4</sup>.



**3-расм. NEW FUTURA серияли тортиб- юмшатувчи PALISSONATRICI машинаси (Италия)**

Замонавий чарм ишлаб чикириш саноатида ҳозирги кунда нам чармларни тортиш катта ахамиятга эга. Бу машиналар чармларни қирқишдан олдин ва тез қуритувчи тунели (FAST DRY), камерали ва вакуумли қуригичларда кондиционирлашдан олдин қўлланилади.

Турли хил чарм маҳсулотларини ишлаб чикиришда қуритиш ва ҳўллаш жараёнлари муҳим ўрин эгаллайди. Чарм маҳсулотларининг сифати, унинг физик, механик хоссалари бу жараёнларни тўғри олиб борилишидан бевосита боғлиқдир<sup>5</sup>.

Чармни қуритишда ошловчи ва бўёқ моддалар коллагенning структура элементлари билан қўшимча боғланишлар ҳосил қиласида ва бунинг натижасида ёғ эмульсиялари чарм қатламига чукур жойлашиб тўлиқ тарқалади. Ҳўллаш жараёнининг мақсади механик операциялар (чўзиш, силлиқлаш) олдидан чарм яриммаҳсулотига юқори намлик даражасини беришдан иборатdir.

<sup>4</sup> [www.escomar.com](http://www.escomar.com)

<sup>5</sup> Mr Stefan Rydin, Mr Michael Black, Ms Bianca Maria Scalet, and Mr Michele Canova. Tanning of Hides and Skins. Spain, 2013



**4-расм. Бўяшдан сўнг ва Вет–блю чармлари учун тортувчи машина**

### **1.3.Қуритиш машиналари**

Қуритиш жараёнини амалга ошириш учун намлиги сиқув машиналарда 50-55 % гача сиқилган ярим маҳсулотни намлигини 12-16 % даражасига етунга қадар қуритиш талаб қилинади. Чарм саноатида қуритишнинг, асосан конвектив ва контактли усувлари мавжуд.

Италиянинг янги хусусиятли анънавий “TIARA ERGOVAC” паст температурали вакуумли қуритиш машинаси. Юқори сифатли қуритиш, атроф мухитига кам таъсири этиш ва электр энергиясини кам сарфлаш билан бошқа машиналардан фарқ қиласди.



**5-расм. “TIARA ERGOVAC” паст температурали вакуумли қуриши  
машинаси**

Италияни яна бир «FAST DRY» Тез қуриши ва тўхтовсиз конденцирлаш туннели стандарларга тўлиқ мувофиқ келадиган маҳсулотларни қиска вақт ичида, чармнинг табиий хусусиятларини ўзгартирмай қолиш учун хизмат қилади<sup>6</sup>.

Бу системанинг афзаллиги қуйидагилар:

- чармларнинг кейинги сақлаш муддатининг камайтириш билан қуриши вақтининг жуда ҳам қисқалиги;
- мутлақ назоратли ва бир меъёрда қуриши;
- натижа иқлим шароитига боғлиқ эмас;
- бурмалар ва бўқилган жойларнинг йўқлиги (қирқимларнинг камлиги);
- энергиянинг сарфи сув микдорига тўғри пропорционал.

---

<sup>6</sup> [www.escomar.com](http://www.escomar.com)



**6-расм. «FAST DRY» тез қуритиш ва тўхтовсиз конденцирлаш туннели**

Италиянинг янги хусусиятли “STARGATE” турдаги анънавий ўтувчи вакуумли қуритгич. Юқори сифатли қуритиш, атроф мухитига кам таъсири этиш, электр энергиясини кам сарфлаш, кам ишчи фойдаланилиши, хавфсиз ишлаш, тур ва иш жойининг автоматик тозаланиши ва ишлаш оддийлиги билан бошқа машиналардан фарқ қиласи.

#### **1.4. Чармларга босим остида ишлов бериш учун машиналар**

Роликли мереяли машиналар чармларни иссиқ пресслаш (дазмоллаш) ва юфт ҳамда хром ошланган чармлар устига сунъий мерея (расм) солиш учун ишлатилади. Бу машиналарнинг ишлаш принципи қуйидагича: кареткага ўрнатилган ишчи ролик, ўқда эркин айланиб, бориб-келувчи ҳаракат қиласи ва кигизли прокладка орқали пружина ва чарм ремен таъсирида ишлов берилаётган чармни юза қисми билан иссиқ плитага қисади. Чармларни дазмоллаш учун силлиқ плита, сунъий мерея солишда – расмли плита ишлатилади.



**7-расм. Расм. “STARGATE” турдаги утувчи вакуумли куритгич**

Роликли мереяли машиналарда ишлов берилаётган чармлар юзаси силлиқланади ёки керакли сунъий расм солинади. Бу жараён натижасида чармларнинг қалинлиги камайиб, зичлиги ошади. Айрим вақтларда чармлар юзаси 1,5-2 % га катталашади.

Хозирги вақтда чарм ишлаб чиқариш корхоналарида ALPA машинаси ишлатилади. Бу машина буғ қутили асосдан, ўзатмадан ва асосий ишчи орган-қисувчи роликли кареткадан иборат<sup>7</sup>.

Чарм саноати ва пардозлаш учун гидравлик дазмолловчи, мерея босувчи пресслар.

---

<sup>7</sup> [www.alpakina.com](http://www.alpakina.com)



**8-расм. 1150 тоннали дазмоловчи мерея босувчи пресс**



**9-расм. 850 тоннали дазмоловчи мерея босувчи пресс**



**10-расм. 480 тоннали силжувчи юклаш системали дазмоловчи мерея босувчи пресс**

**3-жадвал**

**Прессларнинг техник таснифи**

<b>Техник тавсиф</b>	<b>Машина тури</b>	
	<b>ADP-350</b>	<b>ADP-480</b>
Қисиши кучи, тонн	350	480
Ишчи босим, кг/см <sup>2</sup>	250	300
Плита ўлчами, мм <sup>2</sup>	1200×800 1370×1000	1200×800 1370×1000
Плита босими, кг/см <sup>2</sup>	36	50 35
Пластиналар орасидаги масофа, мм	130	130
Двигатель куввати, кВт	11	11

Иситгич қуввати, кВт	11 13	11 13
Тұлық электр қуввати, кВт	22	22 24
Үлчамлари, мм <sup>3</sup>	2800×1400× 2300(B)	2800×1400×2350(B) 2950×1600×2450(B)
Вазни, кг	8000	10000 11000

#### 4-жадвал

#### Прессларнинг техник таснифи

Техник тавсиф	Машина тури		
	ADP-700	ADP-850	ADP-1150
Қисиши кучи, тонн	717	850	1150
Ишчи босим, кг/см <sup>2</sup>	300	300	300
Плита үлчами, мм <sup>2</sup>	1200×800 1370×1000	1370×1000	1370×1000
Плита босими, кг/см <sup>2</sup>	75 52	62	84
Пластиналар орасидаги масофа, мм	130	140	140
Двигатель қуввати, кВт	22	30	37
Иситгич қуввати, кВт	11 13	13	13
Тұлық электр қуввати, кВт	33 35	43	50
Үлчамлари, мм <sup>3</sup>	2800×1400×25 00(B) 2950×1600×26	2950×1600×27 00(B)	2950×1600×28 00(B)

	00(B)		
Вазни, кг	13500 15000	18000	24000

### **1.5. Тайёр маҳсулотларнинг майдони ва қалинлиги бўйича ўлчаш учун машиналари**

Чарм майдонини ўлчаш учун механик ва электрон ўлчаш машиналаридан фойдаланилади. Механик ўлчовчи машиналарга Хорижда ишлаб чиқарилган ИВА-1800 ва ИВА-3360 машиналари киради.

Юқорида кўрсатилган машиналарнинг ишлаш принципи бир хил бўлиб, конструкцияси жиҳатдан фарқ қиласди. Улар хромли ошланган ва юфт чармларни ўлчаш учун фойдаланилади. Бу машиналарнинг иш жойининг кенглиги 1200, 1800, ва 3360 мм.

Чарм қалинлиги ҳайвоннинг тури, зоти, тана тузилишининг хусусиятлари, унинг ёши, жинси, шунингдек озиқланиш ва яшаш шароитлари, чармнинг торпографик қисмлари ва бошқа омилларга боғлиқ бўлади. Чарм қалинлиги ҳар хил топографик қисмларда турлича бўлади: чепрак қўпроқ қалинлиги билан тавсифланади, ён томонлар ва бўйин йўналишига қараб қалинлик бирмунча камаяди, қўлтиқ ости ва оёқларнинг ички томонида эса жуда кичик бўлади. Чармнинг қалинлиги қалинликни ўлчайдиган асбоб-толшиномер, микромер ёрдамида шунингдек намуна ҳажмини унинг майдонига бўлиш йўли билан аниқланади. Чарм қалинлиги кўпроқ асосий топографик қисмларида (ёқа, сағри, этак ёки мақсадга қараб бошқа қисмлари) N-стандарт нуқтаси ёки О-нуқтасида ўлчанади. Йирик хом ашё қалинлигини ўлчаш учун стандарт N-нуқта бўлиб, орқа оёқларининг пастки чукурчаларига ўтказилган уринмадан 250 мм масофада жойлашган чизиқнинг, умуртқа поғонасининг ўртасидан ўтувчи чизиқдан 200 мм масофада ўтган чизиқ билан кесишган нуқта ҳисобланади.



**11-расм. Чарм майдонини  
ўлчовчи ИВА-1800 машинаси**

**12-расм. Чарм майдонини  
ўлчовчи ИВА-3360 машинаси**

**5-жадвал**

**Чарм майдонини ўлчовчи ИВА машиналаринин техник тасинифи**

<b>Техник характеристикаси</b>	<b>Машина маркаси</b>		
	ИВА-1200	ИВА-1800	ИВА-3360
Максимал ўлчаш кенглиги, мм	1200	1800	3360
Ўлчанадиган бўлак қалинлиги	1...15 мм чарм учун, 1...120 мм мўйна учун		
Ўлчаш чегараси, кв <sup>2</sup>	1...999		
Ўлчаш аниқлиги	< 100 кв <sup>2</sup> майдон учун 0,5 кв <sup>2</sup> , >100 кв <sup>2</sup> майдон учун 0,5 %		
Ишчилар сони, та	2	2	2
Ўлчаш тезлиги, дона/с	Максимал 1000		
Транспортировка тезлиги, м/мин	25	25	25
Ҳаво босими, атм	4	5	6
Ўлчамлари, мм	3500 x 1400	5000 x 2000	8000 x 3600



**13-расм. Чарм майдонини ўлчовчи Ива-Видео машинаси**

Ива-Видео чарм майдонини видео ўлчов системасида ишлайди. Олинган натижаларни А4 форматдаги қофозга чиқаришга асосланган. Машинанинг максимал ўлчаш чегараси 3500 мм кенглигдаги транспортёрдан иборатдир. Ива-Видео чарм майдонини ўлчаш машинаси ракамли бўлиб, қора чармлар учун  $\pm 1\%$  ва оқ ҳамда кулранг чармлар учун  $\pm 2\%$  хатоликда ўлчайди.

## **Назорат саволлари:**

1. Чарм ва мўйнани сиқувчи ва ёювчи машиналар характеристикаси.
  2. Чарм ва мўйна ярим маҳсулотни тортиб- юмшатувчи машиналари.
  3. Чармларга босим остида ишлов бериш учун машиналар таснифи.

4. Тайёр чарм ва мўйна маҳсулотларнинг майдони ва калинлиги бўйича ўлчаш учун машиналари

**Адабиётлар**

1. Mr Stefan Rydin, Mr Michael Black, Ms Bianca Maria Scalet, and Mr Michele Canova. Tanning of Hides and Skins. Spain, 2013
2. T.J.Qodirov, M.I.Temirova. Charm va mo`yna texnologiyasi. –T.: “Turon-iqbol” 2006
3. [www.escomar.com](http://www.escomar.com)
4. [www.alpakina.com](http://www.alpakina.com)

## АМАЛИЙ МАШҒУЛОТ

**1-Амалий машғулот: Чарм ва мўйна маҳсулотлари ишлаб чиқаришдаги замонавий техника ва технологиялар, чарм-мўйнани физик-механик ва кимиёвий хоссалари.**

**Ишдан мақсад:** чармни физик-механик ва кимиёвий ва гигиеник хоссалари билан танишиш.

### **Масаланинг қўйилиши:**

1. Ўртacha намунани танлаш усуллари.
2. Чармнинг чўзилувчанлигини аниқлаш.
3. Намлик сифимини аниқлаш.
4. Минерал моддалар миқдорини аниқлаш.
5. Зичлик ва ғовакликни аниқлаш.
6. Намлик сифимини аниқлаш.
7. Чармнинг гигиеник хоссаларини белгиловчи зичлик ва ғоваклик кўрсатгичларини аниқлаш.

### **Ишни бажариш учун намуна.**

### **Ўртacha намунани танлаш усуллари**

### ***ГОСТ 938.0-75 бўйича ўртacha намуна танлаш***

Физик-механик синовлар ва кимёвий таҳлил ўтказиш учун, аниқланаётган модда ёки материалдан оз миқдорда ўртacha намуна олинади. Ишлаб чиқариш жараёни ёки илмий-тадқиқот ишларида ҳар қандай таҳлилни бажариш учун, таҳлил қилинаётган объектнинг ҳақиқий ҳолатига таъсир этувчи ишончли натижа муҳимдир. Унга факат диққат билан танланган ўрта намунани олиш билангина эришиш мумкин, шу сабабли танлаш қоидаси давлат стандарти бўйича лимитланади.

Чарм ва мўйна саноатида одатда хом-ашё партиясининг яъни чарм ёки мўйнанинг таҳлилий тавсифи таркиб топади. Бир партия бир неча юз чарм ва ҳатто бир неча минг мўйна терисидан ташкил топиши мумкин, таҳлил учун эса, бор йўғи бир неча дона танланади.


Чармнинг кимёвий таркибини ва физик-механик қўрсаткичларини аниқлаш учун партияда 100 тагача чарм бўлса-3 дона 100 тадан куп 625 тагача чарм бўлса-5 дона танланади чарм таҳлили учун танлаш сонини ушбу формула бўйича аниқланади:  $n=0,2\sqrt{x}$  бу ерда  $x$ -партиядаги чармлар сони  $n \leq 15$ .

Механик ва физик хоссаларини назорат қилиш, шунингдек мўйнабоп терининг кимёвий таркибини аниқлаш учун бир сменада ишлаб чиқарилган партиядан 5 дона танланади.

Партиядаги биринчи объект ихтиёрий олиниши мумкин колган барчаси-қатъий маълум объектлар сонидан сўнг танланади,  $x/n$  га teng. Масалан, агар партия 625 дона хром билан ошланган чармдан иборат бўлса унда чармни танлаш сони 5 га teng бўлади. Агар биринчи танлашда: - масалан чарм кетма-кетлиги бўйича олтинчи олинса ундан кейинги тўрт дона чарм мос равишда 131-инчи, 256-инчи, 381-инчи ва 506-инчи яъни  $125=x/n=625/5$  оралиқда булади.

Танланган объектлардан ҳақиқий ўрта намунани ташкил этувчи маълум ўлчамдаги майдонлар кесиб олинади. Топографик участкалардаги тузилиш фарқлари чарм ва мўйнанинг физик-механик хоссаларига ва кимёвий таркибига таъсир қўрсатади шу сабабли давлат стандарти намуна кесиб олинадиган участкаларни қатъий меъёрлайди.


Бириктириш усули ипли ва елимли пойабзалнинг таглиги учун бел қисмидан танланган намуна чизмаси қўрсатилган.




**1-расм.** Бириктириш усули ипли ва **2-расм.** Пойабзал устки қисми учун елимли пойабзалнинг таглиги учун хром билан ишланган чармдан сирт қисмидан танланган танланган намунасининг схемаси: 1-намунасининг схемаси: 1-кимёвий кимёвий таҳлил учун, 2-физик-таҳлил учун, 2-физик-механик механик тажриба учун тажриба учун

Пойабзал устки қисми учун хром билан ишланган чармдан ҳам иккита участка кесиб олинади (3-расм) мўйнабоп терисидан эса минус битта (4-расм) баъзи бир синовлар

участкани кесмасдан туриб ўтказилади. Ҳар доим намуналар галма-гал чарм (ёки, тери)нинг унг ва чап қисмларидан олинади. Теридан физик-механик синов учун кесилган барча намуналар рақамланади ва умуртқадан узунаси бўйлаб, ҳамда умуртқадан этак қисми томон кўрсаткич чизиқлар кўйилади.



**3-расм.** Мүйнабоп қўй терисида намуналарни схемаси. 1-физик-механик тажриба ва химиявий тахлил учун 2-буёкнинг чидамлилигини аниклаш учун (кесмасдан)



**4-расм.** Намуналарни чарм майдонига жойлашиш чузилиш узунаси (1.3) ва кундаланг (2.4) буйлаб буёкни курук ва нам ишқаланшига чидамлилигини хайлов асбобида аниклаш (5) куп киррали чидамлилик (6.7) копламининг чидамлилигини (8 ва 9) аниқлаш учун жойлашиш схемаси.

Мўйнабоп териси ва пўстинбоп қўй териси участкасидаги жун эҳтиётлик билан № 000 машина ёрдамида қиртишланади. Кимёвий тахлил учун намуналар бирданига тортилиб (абсолют хатолик 0,01 г) ва кичрайтирилади. Тери физик-механик синов учун мўлжалланган намуналар участкасининг хар бир чегараси ГОСТ 938,0-75 да кўрсатилгандай маълум тартибда жойлаштирилади (4-расм).

Ошловчи экстрактлар ва синтетик ошловчилар таҳлилида намуна танланадиган қадоқлар сони  $n$ , ушбу формула буйича топилади.  $n=0,3\sqrt{x}$ ;  $x < 50$  булганда  $n=2$ ,  $x=50-100$  булганда  $n=3$ . Берилган қадоқлар бутун партия

бўйлаб бир хил тақсимланиши керак. Барча қадоқларлардан олинган намуналар синчиклаб аралаштирилади сўнгра тўрт бўлакларга бўлиниб, иккитадан қарама-қарши томонлар танланади ўрта намуна тахминан 1,5 кг ни ташкил этади. Экстракт таркибидағи намлик миқдори ўзгармаслиги учун намуна танлаш иложи борича қисқа вақт ичидаги амалга оширилади.

### **Чармнинг чўзилувчанлигини аниқлаш**

Чарм чўзилувчанлигини аниқлаш, унинг қандай мақсадда ишлатилишидан қатъий назар, механик хоссаларини баҳолашда катта ахамиятга эга.

Чарм тўқимасининг чўзилувчанлигини синашда қўйидаги кўрсатгичлар аниқланди: мустахкамланган чегараси, узайиш (умумий, қайишкок, қолдик), юза катламлар мустаҳкамлиги, қайишқоқлигининг шартли модули ва қаттиклик.

Бу кўрсатгичлар хом-ашёни дастлабки ишлов берилишда ҳамда чарм ишлаб чиқариш жараёнларида дерманинг толали структурасини қай холатда сақланишилик даражасини тавсифлайди. Бундан ташқари бу кўрсатгичлар ёрдамида чарм тўқимасининг юза ҳолатларини баҳолаш мумкин.

Чарм тўқимасининг чўзилувчанлигини аниқлаш РТ-250 маркали чўзиш машинасида олиб борилади. Бунинг учун 1-расм сингари намуна қирқиб олинади. ABCD майдони иш майдонини ҳисобланади. AB- узунлиги, AD ва BC кенглиги.

Чармнини синашда, одатда иш майдонининг узунлиги 50 мм ва кенглиги 10 мм га teng намуналар ишлатилади. Чармларини синашда иш майдонининг узунлиги сақланган ҳолда, кенглиги эса 5 мм га teng.

Қолган ҳамма чармбоб териларни синашда, иш майдонининг узунлиги-25 мм, кенглиги 5 мм этиб қабул қилинган. Тажриба учун 4 та намуна олиниб, 2 таси чармнинг энига, 2 таси бўйига қирқиб олинади. Ишни бошлашдан олдин намунанинг иш майдонини




**5-расм. Намунани узиш учун синов намунасининг шакли**

беш қисмга бўлиб, бирдан бешгача белгилаб чиқилади. Ҳар бир белгиланган майдоннинг қалинлиги ўлчанади. 5-расмда РТ-250 маркали машинасининг схемаси келтирилган.

Чарм ёки чарм намунаси 6 ва 8 қисқичларга қистирилади. Синашдан олдин, кучланиш ва узайиш шкалаларининг стрелкаси нолда туриш керак.

Машина ишга тушгандан сўнг, ости қисқич 8 пастга қараб ҳаракат килади ва намуна орқали юқориги қисқични (6) тортади. Натижада намуна узаяди.



**6-Расм. РТ-250 узиш машинасининг схемаси**

Юқоридаги қисқичнинг (6) ҳаракати узатма ричаглар орқали маятник юкини ҳаракатга келтириб, чўзилишга мувофиқ куч ҳосил қиласди. Кучланиш кўпайиб кетганда, намуна узилади.

Намунанинг узилишдиги кучини кучланиш шкаласидан, унинг қанчага узайгани узайиш шкаласидан аниқланади.

## **Намлик сифимини аниқлаш**

Намлик сифими ва хўллаш, чарм тўқимасини сувга ботирилганда, сув ютиш қобилиятини ифодалайди. 2 ёки 24 соатлик намлик сифими қўрсаткичи, маълум вақт давомида намунани сувда хўллагандан сўнг қанча миқдорда сув ютганини билдириб, мутлақо қуруқ намунанинг массасига нисбаттан фоизда ифодаланади.

2 ва 24 соатлик хўлланиш қўрсаткичи намунани маълум вақт давомида сувга ботирилгандан сўнг, унинг вазнини қанча миқдорда ошганини билдиради ва 18 %да намунанинг вазнига нисбаттан фоизда ифодаланади.

Намлик сифими қўрсаткичи доимо хўлланиш қўрсаткичидан юқори бўлади. Чунки намлик сифимини ҳисоблагандан, чарм таркибидаги хамма намлик миқдори ҳисобга олинса, хўлланишни ҳисоблагандан, фақат чармни сувга ботирилганда ютган намлик миқдори эътиборга олинади.

Намлик сифими ва хўлланиш қўрсаткичи пойафзалнинг ости қисм чармлари учун алоҳида ахамиятга эга. Бу қўрсаткичларни меъёридан ошиши, винтли қотирмаларнинг сусайишига, пойафзал таглигини ейланишига ва шу билан бирга гигиеник хоссаларининг ёмонлашувига олиб келади.

## **Минерал моддалар миқдорини аниқлаш**

2-2,5 гр майдаланган чармни аналитик тарозида доимий вазнга келтирилган чинни тигелда ўлчадик. Чармни тигел билан совук муфел печкасига қўйдик ва печкани ёқдик.

Кўмирга айлангунга қадар куйдириш жараёнини ҳароратни аста-секин кўтариб бориб куйдирдик. муфел печкасида ,кўмирга айлантириш жараёни тугаганлигини тутун чиқиши тугаганидан билдик. Тигельда кўмир бўлакчаларининг йўқолиши ва кулнинг яшилроқ оч кул ранг тус олиши билан куйдириш жараёнини тугатдик.

Куйдирилгандан кейин кул билан тигелни эксиқаторда совитиб, аналитик тарозида ўлчадик. Куйдириш , совитиш ва ўлчашни кул билан тигельнинг доимий вазнига келгунча давом этирдик.

Кулнинг микдорини формула орқали ҳисобладик:

$$X = \frac{a}{H} \cdot 100$$

*a* - кулнинг вазни гр.

*H*- чарм намунасининг вазни гр.

### **Ёғ микдорини аниқлаш**

5 г майдаланган коллаген кукуни фарфор идишга солиниб тўлиқ усти ёпилгунча иссиқ дистилланган сув билан ёпилади. Устига 3 мл концентранган хлорид кислотаси солиниб сув ҳолатига 30 минут аралаштириб қайнатилади, сўнгра (гипс)серноксилий цинк қўшилади намликни юмшатиш учун, бир хил масса ҳосил қилгунга қадар аралаштириб қуритиш шкафида 130 °C ҳароратда 1,0-1,5 соат қуритдик.

Қуритилган қоришма гильзага солиниб Зайченко апбуғатида дихлорэтан ёрдамида 1 соат экстракция қилинди. Эритувчи ҳайдалиб ёғ қуритиш шкафида 130 °C ҳароратда бир хил вазнга келгунга қадар қуритилди. Қуриш давомийлиги 1,5-2 соатни ташкил қилди. Ёғ микдори қуруқ модда вазнига нисбатан қўйидагича аниқланди:

$$X = \frac{a * 100}{C} * \frac{100}{100 - W} [\%]$$

Бу ерда :

*A*-ёғ микдори г,

*C*-тадқиқот ўтказилаётган намуна оғирлиги г,

*W* - тадқиқот учун олинган намунани намлиги,%

### **Зичлик ва ғовакликни аниқлаш**

5-10 гр ўлчаниб олинди узунлиги 20 см ва эни 2-3 мм шаклда қирқилди. Майдаланган намуна 50 мл ҳажмли тенометрга жойлаштирилди, бюretка ёрдамида белгигача керосин билан тўлдирилди. Қуйилган керосин ҳажми аниқланди.

Пикнометр фильтр қоғози билан беркитилди, бир сутка қолдирилди. Бу

вақт мобайнида чарм ёки чарм тўқимаси ғоваклари керосин билан тўлади. Пикнометрга яна белгигача керосин қуйилди, ҳажми ўлчанади  $V_2$ .

Пикнометр ҳажми  $V_0$  ва биринчи ҳамда иккинчи марта қуийилган керасин ҳажмлар орасидаги фарқ, чарм ёки чарм тўқимаси зич моддасининг ҳақиқийий ҳажмига тенг.

$$V_{x_0} = V_0 - (V_1 + V_2)$$

Пикнометрдаги керосинни тўқдик, ортиқча керосин майдаланган намуна сиртидан фильтр қофози билан оҳиста артилди. Сўнгра артилган бўлакчалар қайтадан шу пикнометрга солинди ва пикнометр белгисигача керосин қуийилди.

Пикнометр ҳажми  $V_0$  ва учинчи марта қуийилган керосин ҳажми  $V_3$  орасидаги фарқ, чарм зич моддаси ва ғоваклари ҳажмига тенг.

Ҳақиқийий ва тахминий ҳажмларни билган холда, чарм зичлиги, ғовакларнинг ҳажми  $V$ -ғоваклик аниқланди.

$$V_{\text{фоб}} = V_T - V_X; \Pi = \frac{V_1 \cdot 100}{V_T}$$

### **Намлик сифимини аниқлаш**

Синовни бошлашдан олдин намуналарнинг намлиги аниқланади, сўнгра 50x60 мм ўлчамдаги тўртбурчакли намуна қирқилади. Уларнинг вазни 0,01 г аниқликда ўлчанади.

Ўлчангандан намуналар мис ўтказгичли ўрамлари орасига жойлаштириб, 2 соат давомидп  $20 \pm 30^{\circ}\text{C}$  ҳароратли дистилланган сувда ботирилади. Сувнинг ҳажми намуна вазнидан 10 марта кўп бўлиши керак. 2 соатдан сўнг намуна олиниб, сирти фильтр қофози билан (сиқмасдан) қуритилади ва ўлчанади ( $q_2$ ).

Намуна қайтадан 22 соатга шу сувга ботирилади, сўнгра фильтр қофози билан қуритилиб, яна ўлчанади ( $q_{24}$ ).

Синов натижалари чарм ёки мўйна чарм тўқимасининг мутлақо қуруқ массасига қайта ҳисобланади. Бунинг учун намунанинг бошланғич

массасини мутлақо қуруқ чарм массасига ( $q_1$ ) қуйидаги формула бўйича қайта ҳисобланади:

$$q_1 = \frac{q(100 - B)}{100}$$

бунда  $q$ - мутлақо қуруқ намунанинг вазни, г

$B$ - намуна таркибидаги намлик миқдори, %

2 соатлик намлик сифими, %

$$B_2 = \frac{q_2 - q_1}{q_1}$$

24 соатлик сифими, %

$$B_{24} = \frac{q_{24} - q_1}{q_1}$$

### **Чармнинг гигиеник хоссаларини белгиловчи зичлик ва ғоваклик қўрсатгичларини аниқлаш**

Зичлик – материалларнинг асосий физикавий хоссаларидан бири бўлиб, модда вазнини, унинг ҳажмига нисбатан муносабатини ифодалайди.

Зичлик,  $\rho$  кг/м<sup>3</sup>

$$\rho = \frac{m}{v}$$

Бунда,  $m$ - модда вазни, кг

$v$ - модда ҳажми, м<sup>3</sup>

Чарм ва мўйна чарм тўқимасининг зичлиги, унинг ғоваклиги ва тўлдирилганлик даражасини билдиради. Технологик ишлов бериш босқичларида ғоваклик даражаси, уларнинг ўлчами ва чармда тақсимланишини билиш, жараёнлар буғаметрларини тўғри бошқариб, талаб этилган хоссалари чармларни олиш имконини беради.

Ғоваклар бир неча хил тузилишда бўлиши мумкин: берк, тўмтоқ, тешик, илмоқсимон, улар чарм ички юзасининг 50мг<sup>2</sup>/г гача ташкил қилиш мумкин

күндаланг кесим юзаси бўйича макроскопик , микроскопик ва ультра ғовакларга бўлинади. Ғоваклар сони ўлчами ва жойланиши чарм ёки чарм тўқимаси хаво ўтказувчанлик, сув ўтказувчанлик, буғ ўтказувчанлик , намлиқ сифими, хўлланиш ва иссиқлик ўтказувчанлик каби ҳоссаларига таъсир қиласи.

Ғовакли материаллар учун, жумладан чарм ва чарм тўқимаси учун икки хил зичлик бўлади: ҳақиқийй ва тахминий. Тахминий зичлик деб, чарм ёки мўйна чарм тўқимаси намунаси вазнини ғовакларни ҳисобга олган ҳолдаги тўлиқ ҳажмига бўлган муносабатга айтилади. Ҳақиқийй зичлик деб, чарм ва мўйна чарм тўқимаси вазниниг унинг зич моддаси (ғоваксиз) ҳажмига бўлган муносабатига айтилади.

5-10 гр. Чарм ёки чарм тўқимаси ўлчаниб, узунлиги 20 см ва эни 2-3 мм шаклда қирқилади. Майдаланган намуна 50 мл ҳажмли пикнометрга (ёки ўлчамли колба) жойлаштириб, бюретка ёрдамида белгигача керосин билан тўлдирилади. Қуйилган керосин ҳажми  $V_1$  аниқланади . Пикнометр қопқоқ ёки фильтр қофози билан бекитилиб, бир сутка қолдирилади. Бу вақт мобайнида чарм ёки чарм тўқимаси ғоваклари керосин билан тўлиб, пикнометрда аниқ, ҳажми ўзгармайдиган керосин миқдори қолади . Пикнометрга яна белгигача керосин қўйилиб, ҳажми ўлchanади  $V_2$ .

Пикнометр ҳажми  $V_0$  ва учинчи марта қўйилган керосин ҳажи  $V_3$  орасидаги фарқ, чарм ёки чарм тўқимаси зич моддаси ва ғоваклари ҳажмига , яъни тахминий ҳажмига teng.

Ҳақиқийй ва тахминий ҳажмларни билган ҳолда ,чарм ва чарм тўқимаси зичлиги , ғовакларнинг ҳажми  $V_{\text{fov}}$  ва ғоваклик  $\Pi$  аниқланади:

$$V_{\text{fov}}=V_T-V_H; \quad \Pi = \frac{V \cdot 100}{V_T}$$

Ғовакликни тахминий ва ҳақиқийй зичликлари асосида ҳам ҳисоблаш мумкин:

$$\Pi = \frac{\rho_x - \rho_t}{\rho_x} \cdot 100$$

### **Гигроскоплик ва намлик беришни аниқлаш**

Чарм ва чарм тўқимасининг атрофдаги ҳаво буғ сувларини ютиш қобилиятини ўрганиш. Физикавий маънода чарм ва мўйна чарм тўқимасининг гигроскоплиги буғланиш сифимига яқин. Шунингдек гигроскоплик чарм ва чарм тўқимасининг атрофдаги ҳаво буғ сувларини ютиш қобилиятини характерлайди. 16 соат давомида 100% тенглик нисбий намлика сақлаган намуна массасининг катталлашиши бўйича гигроскоплик аниқланади ва бирламчи намуна массаси фоиз ҳисобида ҳисобланади.

Ўлчами 50x50 мм бўлган намуналарда синаш олиб борилади. Нормал атмосфера шароитида сақланган намуналар, аналитик тарозида 0,001 г абсолют хатоликкача ўлчанади ва сув остига эксиқаторга ҳаво эркин ўтадиган ҳолда жойланади. Эксиқаторда сув остдаги ҳавонинг нисбий намлиги 100% бўлиши керак.

Намуна 16 соат эксиқаторда бўлгандан сўнг ўлчанади ва қуруқ намуна массасига қараб, массасининг ўсиши бўйича гигроскоплик ўлчанади:  $\Gamma$ , %:

$$\Gamma = \frac{q_1 - q}{q} \cdot 100$$

q - эксиқаторда намланган намуна массаси ,г., q - қуруқ ҳолда шу намуна оғирлиги , г.

Намлик бериш нормал шароитда 8 соат давомида ҳавода қуритиш натижасида хўлланган намунадан берилган намлик миқдори билан тавсифланади.

Намлик бериш кўрсатгчи хўлланган намуна массасининг камайишини фоиз миқдорида, унинг бошланғич қуруқ ҳолатдаги массасига нисбати билан ифодалайдилар.

## **Буғ ўтказувчанликни аниқлаш**

Чармни сув буғларини ўтказиш қобилиятига буғ ўтказувчанлик деб аталади. Чарм ва мўйнанинг гигиеник хоссаларини баҳолаш учун буғ ўтказувчанлик асосий кўрсаткичларидан бири ҳисобланади. У жуда кўп факторларга боғлиқ бўлади. Буғ ўтказувчанлик чарм ва мўйна чарм тўқимасининг капилярига, ғоваклар диаметрига, дерма тўқимасининг гидрофил хоссаларига, юза қопламаси қоплама плёнка табиатига боғлиқ. Синаладиган намунанинг икки томонида турли хил қовушқоқликни ташкил қилиш ва вақт бирлигида, маълум майдон орқали ўтадиган буғ сувлари миқдорини ўрганиш орқали буғ ўтказувчанлик аниқланади.

Буғ ўтказувчанлик 1 соат давомида  $1 \text{ см}^2$  майдон орқали ўтадиган миллиграмм намлиқда ёки синаладиган намуна орқали ўтадиган буғ сувлари оғирлигининг фоизда, ўша шароитларда очиқ қопламада буғланадиган сув массасига нисбати билан ифодаланади.

Буғ ўтказувчанлик маҳсус металл стаканчаларда диаметри 58 мм ли айланасимон намуналарда аниқланади; намунанинг ишчи қисми диаметри 36 мм га teng. Ички диаметри 25 см бўлган эксиқаторда 1000 см концентранган сульфат кислота қуйилади.

Стаканча тубидан баландлиги 30 мм бўлган баландликда дистилланган сув қуйилади ва бошига резинали айлана, сўнг нормал шароитда сақланган синаладиган намунани юза қисмини ташқарига қилиб қуйилади. Намунага ишқаланиш шайбаси 4 жойлаштирилади ва қопқоқ буралади товланади.

Шу зайлда тайёрланган стаканча сульфат кислотали эксиқаторда жойлаштирилади. Эксиқаторда бир вақтнинг ўзида намунали стаканчалар ва иккита (намунасиз) назорат стаканчаси бўлиши зарур.

Намунали ёпиқ эксиқаторни термостатда  $18 \pm 30^{\circ}\text{C}$  температурада сақланади, сўнг аналитик тарозида ҳар бир стаканча ўлчанади. Ўша эксиқаторга яна ўлчанган стакнчалар жойлаштирилади ва у шу температурада термостатга 6 соат сақланади.

Иккинчи маротаба ўлчанган стаканчаларнинг 6 соатдан сўнгги

синашларининг массалари фарқи аниқланади.

Нисбий буғ ўтказувчанлик , %

$$\Pi = \frac{q \cdot 100}{q_1}$$

q- б соатли синашдан сўнг стаканча массасининг камайиши, г

q<sub>1</sub>- сувли назорат стаканчаларининг ўртача арифметик катталигининг камайиши, г

Агар буғ ўтказувчанликни маълум вақт бирлигига намуна майдони орқали ўтадиган миллиграмм намлиқда ифодалаш керак бўлса, ҳисоблашларни қўйидаги формула орқали ҳисобланади:

$$\Pi = \frac{q}{t}$$

q - стаканчанинг массаси, t- ишнинг давомийлиги,соат,

П- намунанинг ишчи майдони, см

### **Назорат саволлари:**

1. Чарм ва мўйна физик-механик ва кимёвий хоссаларига таъсир этувчи омиллар.
2. Замонавий пойабзал саноости жиҳозлари.
3. Чарм буюмларини физик-механик хоссаларига таъсир этувчи омиллар.
4. Чармнинг гигиеник хоссаларини белгиловчи кўрсаткичларни кўрсатинг

### **Фойдаланилган адабиётлар:**

1. Mr Stefan Rydin, Mr Michael Black, Ms Bianca Maria Scalet, and Mr Michele Canova. Tanning of Hides and Skins. Spain, 2013
2. T.J.Qodirov, M.I.Temirova. Charm va mo`yna texnologiyasi. –T.: “Turoniqbol” 2006

## **МУСТАҚИЛ ТАЪЛИМ МАВЗУЛАРИ**

### **Мустақил ишни ташкил этишнинг шакли ва мазмуни**

Тингловчи мустақил ишни муайян модулни хусусиятларини ҳисобга олган холда қуидаги шакллардан фойдаланиб тайёрлаши тавсия этилади:

- меъёрий хужжатлардан, ўқув ва илмий адабиётлардан фойдаланиш асосида модул мавзуларини ўрганиш;
- тарқатма материаллар бўйича маъruzалар қисмини ўзлаштириш;
- автоматлаштирилган ўргатувчи ва назорат қилувчи дастурлар билан ишлаш;
- маҳсус адабиётлар бўйича модул бўлимлари ёки мавзулари устида ишлаш;
- тингловчининг касбий фаолияти билан боғлиқ бўлган модул бўлимлари ва мавзуларни чуқур ўрганиш;
- мазкур мустақил таълим ишларини бажариш орқали тингловчилар бир бал билан баҳоланадилар.

### **Мустақил таълим мавзулари**

1. Чарм ва мўйна саноатида замонавий жиҳозларнинг ўрни.
2. Чарм ва мўйна физик-механик ва кимёвий хоссаларига таъсир этувчи омиллар.
3. Замонавий пойабзал саноости жиҳозлари.
4. Чарм буюмларини физик-механик хоссаларига таъсир этувчи омиллар.

## ГЛОССАРИЙ

<b>Иборалар</b>	<b>Ўзбек тилида изоҳ</b>	<b>Инглиз тилида изоҳ</b>
<b>Чарм</b>	Ҳайвон терисининг дерма қисми бўлиб, унинг структура элементларининг физикавий, механик ва кимёвий хоссалари ўзгартирилган бўлади.	The derivative of the animal <i>leather</i> is mainly fibrous structure, its physical, physicochemical and chemical properties are varied.
<b>Мездралаш жараёни</b>	Жараёнда терининг баҳтарма томонида қолган ортиқча ёғ ва тери ости қатламини йўқотишидир	It is the loss of excess fat and <i>subcutaneous</i> tissue on the leather of the leather.
<b>Ивитиш</b>	Хом ашёни сувда ишлов бериш (кўп ҳолларда электролитлар қўшиш) ивитиш дейилади.	Water treatment of whitish-raw material (in many cases electrolytes is added) is called raising.
<b>Ошлаш</b>	Чарм саноатида энг муҳим жараён, яъни физик-кимёвий жараён жисобланади. Ошлаш жараёнида терининг дерма структуралари шакилланади, натижада тери чармга айланади.	The most important process in leather industry is physical-chemical process. In the process of removal, skin skins form, resulting in leather.

## **Адабиётлар**

1. Mr Stefan Rydin, Mr Michael Black, Ms Bianca Maria Scalet, and Mr Michele Canova. Tanning of Hides and Skins. Spain, 2013
2. T.J.Qodirov, M.I.Temirova. Charm va mo`yna texnologiyasi. –T.: “Turon-iqbol” 2006
3. [www.escomar.com](http://www.escomar.com)
4. [www.alpakina.com](http://www.alpakina.com)